

# ÁREA RURAL SUR: AUDITORÍA CIDADÁ

A área RURAL SUR comprende as parroquias e lugares de Villestro, Laraño, Figueiras, San Paio e da Rocha

Unha área ampla e diversa na que residen máis de 5.000 veciños e veciñas e que presenta diferentes necesidades específicas, tal e como fomos recollendo a través da

auditoría cidadá. Unha diagnose realizada atendendo tanto peticións e suxestións individuais como as canalizadas a través do tecido asociativo destas parroquias:

- AVV A Xunlla de Laraño
- AVV A Unión de Villestro
- AVV A Xunta de Villestro
- AVV Nova Xeira de Figueiras

- AVV de Coira
- AVV Serafín Zas (Rocha)
- AVV de Portofoanelos

A partir deste traballo de interlocución detectamos as demandas máis necesarias da área, que intentamos resolver cos proxectos que resumimos neste listado:

## ACTUACIÓNS EXECUTADAS OU EN EXECUCIÓN

- Campaña de rozas no rural: 220.000 euros en total
- Reparación, conservación e mantemento de viarios en Laraño, Villestro e outras parroquias: 174.744,67 euros. PAS 2015
- Reparación, conservación e mantemento de viarios en Figueiras e outras parroquias: 207.226,16 euros. PAS 2015
- Reparación, conservación e mantemento de viarios en Laraño, Villestro e outras parroquias: 174.744,67 euros. POS 2015
- Reparación, conservación e mantemento de viarios en Figueiras e outras parroquias: 207.226,16 euros. POS 2015
- Ampliación cuberta, bancada, conserxería e almacéns do C.F Villestro: 30.000 euros. REMANENTES 2015
- Melloras e acondicionamento do Castelo da Rocha: 35.000 euros. REMANENTES 2015
- Contrato de mantemento: 275.000 euros para traballos de eliminación de fochancas nas pistas do rural

## ACTUACIÓNS PENDENTES DE LICITACIÓN

- Mellora e rehabilitación de pavimentos en viarios de Figueiras e outras parroquias: 212.274,09 euros (proxecto complementario) PAS 2016
- Mellora da cuberta do polideportivo de Roxos (concellería de Deportes): 130.000 euros.
- Abastecemento e saneamento en Laraño (lugar de Santomil) e outras parroquias: 180.000 euros. PLAN POS PLUS
- Senda peonil na rúa da Xunlla e ampliación do paso sobre o río Sar en Laraño: 140.000 euros. PLAN POS PLUS
- Obras de mellora de firme en Villestro. 90.000 euros. PLAN POS PLUS-2ª parte
- Acondicionamento da cuberta da instalación deportiva de Figueiras. 150.000 euros. PAN POS PLUS-2ª parte
- Mellora do aglomerado na rúa da Xunlla de Laraño. 70.000 euros REMANENTES 2016

## ACTUACIÓNS LICITADAS OU ADXUDICADAS

- Obras de pavimentación nas parroquias Villestro e outras parroquias: 100.000 euros. PAS 2016
- Obras de pavimentación en Laraño e outras parroquias: 130.000 euros. PAS 2016
- Proxecto de mellora e rehabilitación de pavimentos en viarios de Villestro e outras parroquias: 162.358,33 euros. PAS 2015

## ORZAMENTOS PARTICIPATIVOS 2017

- Vehículo rozador: 120.000 euros
- Mellora na sinalización do rural: 20.107 euros (+ 120.000 euros de orzamento municipal ordinario)
- Paneis informativos unificados: 72.000 euros
- TOTAL Orzamentos Participativos para o conxunto do rural: 277.657 euros (máis 120.000 de orzamento ordinario para sinalética)

## CALENDARIO DE ROZAS

- Laraño: 22-24 de maio
- Villestro: 26, 29, 30 e 31 de maio e 1 de xuño
- Figueiras: 1, 3, 4 e 5 de xuño

## CALENDARIO DE TRABALLOS DO CONTRATO DE MANTEMENTO

- Figueiras, Villestro e Laraño: semana do 5 ao 9 de xuño

## AXUDÁMOSCHE A RESOLVER DÚBIDAS SOBRE O CATASTRO


Desde o pasado luns, 20 de marzo, o Concello ten aberta unha Oficina especializada de atención ao contribuínte, para axudar a todos os veciños e veciñas a resolveren as súas dúbidas sobre a regularización catastral.

A Dirección Xeral de Catastro, dependente do Ministerio de Facenda, está a facer unha regularización que lle afecta sobre todo á cidadanía do rural. Por iso, desde o goberno local púxose en marcha unha oficina na

que os interesados tamén poderán recibir asesoramento sobre posibles alegacións.

A Oficina está situada no barrio de Galeras, na rúa **Presidente Salvador Allende, 4-baixo**. **Pódese pedir cita previa no teléfono 881 599 977 ou ben a través do enderezo electrónico [www.santiagodecompostela.gal](http://www.santiagodecompostela.gal) dentro do epígrafe Transparencia/relacións coa cidadanía/contacto co Concello/Cita Previa.**

# FALAMOS



Actos de rendición de contas do alcalde e dos e das integrantes do goberno municipal de Santiago

**SÁBADO 20 DE MAIO, 11.30h  
CSC VILLESTRO**

ÁREA **RURAL SUR**

A Rocha, Laraño, Villestro, Figueiras, San Paio

Coa participación do alcalde, Martiño Noriega, e os concelleiros e concelleiras do grupo de goberno



### Que son os encontros AO VIVO?

Son actos de rendición de contas do alcalde e de todos os integrantes do goberno municipal de Santiago. Encontros nos que se dá unha comunicación AO VIVO entre a cidadanía e o executivo local co obxectivo de constituír un novo espazo participativo no que veciñanza e goberno poidan conversar e establecer relacións directas.

### Por que agora e non antes?


Os encontros do goberno AO VIVO son un paso máis no labor de abertura do Concello á cidadanía. Durante o primeiro ano e medio deste mandato o goberno municipal reuniuse con case a totalidade do tecido asociativo da cidade co obxectivo de recuperar a confianza na institución. Encontros e visitas a barrios e parroquias nas que o asociacionismo veciñal foi o mellor aliado para testar as necesidades da cidade e así construír a **auditoría cidadá** que hoxe guía o labor de goberno. Unha vez finalizado este proceso, é a vez de contrastar coa veciñanza AO VIVO todo o recollido, de marcar prioridades, incorporar demandas e explicar problemáticas onde as haxa.

### Haberá encontros en todos os barrios e parroquias?

Co obxectivo de abarcar todo o territorio realizaranse nove encontros AO VIVO, repartidos en 6 áreas urbanas e 3 áreas rurais. Cada unha das áreas agrupará a un conxunto de barrios ou parroquias próximos que moitas veces comparten problemáticas. O feito de ser un número reducido de barrios tamén permitirá que se traten temas concretos de cada barrio ou parroquia.

### Que temas se poden tratar?

Todos os que teñan que ver co goberno municipal, coas demandas da cidadanía, cos proxectos en marcha ou cos proxectos futuros. Aínda que se divida o termo municipal en



áreas, os temas a tratar poden ser referentes a cada unha das áreas, a un barrio ou parroquia en concreto, ou ao conxunto da cidade. Os encontros do goberno AO VIVO son unha oportunidade de corresponsabilizármonos en construír un Santiago mellor entre todas e todos.

### Cando e onde se celebran?

Co obxectivo de facilitar ao máximo a asistencia cada AO VIVO celebrarase un sábado pola mañá en diferentes espazos municipais da cidade e serán anunciados con suficiente antelación. O penúltimo ou o último sábado de cada mes serán os días escollidos, facéndose público o calendario para todo o ano a principio do mesmo. Ademais, contaremos con servizos de conciliación para que quen teña crianzas poda asistir igualmente, así como un servizo de interpretación da lingua de signos.

### Como se desenvolve un encontro AO VIVO?

No inicio de cada encontro o alcalde e algúns dos membros do goberno farán unha introdución ao acto no que explicarán a Auditoría cidadá que será entregada aos asistentes, en que punto estamos na resolución dos problemas, e que perspectivas e proxectos existen para o futuro. Despois desta breve primeira parte será a vez da veciñanza asistente que poderá participar AO VIVO. Para garantir que todas as persoas teñan oportunidade de falar contaremos con persoal profesional da mediación que regulará o debate, medindo tempos e favorecendo a diversidade de todas as achegas.

### COMO FUNCIONA ESTE ENCONTRO?

Benvinda/o! Os encontros co goberno AO VIVO pretenden favorecer o diálogo entre a veciñanza e a equipa de goberno municipal. Para facilitalo, imos basearnos nos seguintes principios:

#### 1. ROLDA DE PALABRA

O equipo de moderación encargárase de tomar nota dos nomes das persoas que queiran intervir. Faremos roldas de palabra de cinco intervencións, despois responderá o goberno. Ao concluír, abriremos outra rolda de palabra até esgotar o tempo previsto.

#### 2. INTERVENCIÓNS BREVES E CONCRETAS

Dous minutos por intervención e catro para

a réplica do goberno. Tenta levar claro o que queiras dicir, preguntar ou comentar. Deste xeito será máis doado responder ao que sinalas.

#### 3. DIVERSIDADE POR IDADE E XÉNERO

Alternaremos homes e mulleres, persoas maiores e novas, etc. Tamén procuraremos que se expresen o maior número de voces diferentes, por iso terán preferencia aquelas persoas que aínda non falasen.

#### 4. RESPECTO MUTUO

Calquera intervención é ben acollida, desde a crítica ao enfado, desde a satisfacción á curiosidade. A base para expresala é o respecto mutuo por todas as persoas, presentes ou non.

## AVALIACIÓN RURAL SUR

### Sexo?

Home  Muller

### Idade?

### Como valoras este encontro?

### Como valoras o espazo (comodidade, accesibilidade...)?

### Foi axeitada a súa duración?

### Foi axeitado o seu horario?

### Deixa aquí as túas suxestións: